

# Иим йовдлиг чиклхмн

Яшкульск района „Лиман-ный“ совхозин 3-ч фермд цон биш кӧдлмшчнр кӧдлдж йовцхана. Эдн нургълдж кӧдлмштӕн унн-ухан седклӕн тӕвдж, аргъ-чидлӕн ӕрвллго, авсн даалгъвран кӱцӕхин тӧлӕ зӱткдж йовцхана.

Ода мал ӱвлзӱллгӕнӕ даалгъврта цаг ирв, малас тӧл авлгӕн эклджӕнӕ. Ӱвлӕр хӧд хургълуллгӕн совхозд ӧбрджӕнӕ. Тер тӧлӕд кӧдлмшчнрин шунмгъагӕинь улм ӧдлӱлдж, эднӕ чидлинь ницӱлдж, даалгъвринь икдӱлдж кӧдлх кергтӕ. Энӱнд ик дӧнӕгӕн кӱргх нег хаалгӕн— кӧдлмшчнрин хург фермсӕр хурагъад, эдн деер производственн тӧрмӱд кӱӱндврт тӕвлгӕн. Болв мана совхозд тиим хург болхш.

Нидн джилин июнь сарас авн совхозд кӧдлмшчнрин хург цуглрад уга. Хӧӧчнрин ӧдр гидж кегднӕ. Тернь ик кергтӕ. Болв кӧдлмшчнрин хургиг терӱгӕр сольдж болшго. Производственн совещаньс фермсӕр бас хурагдхш. Иим болсар цуг совхозин, цуг фермин ӧмн зогсджах тӧрмӱд кӱцӕлгӕнд кӧдлмшчнрин орлцлгӕнъ сул, кӧдлмшт бӕӕх дуту, тартг, йовдлиг шалгъдж чадхш.

Дакад болхла совхозд юн чигн хург болсна хӧӧт бийднь орм ӱлдхш, хургт болсн тӧрӕр протокол бичгдхш. Тергӕд хургин чинрнь буурулдна. Эн тоот хаджгӕр йовдлиг чиклх кергтӕ.

М. БОЛДЫРЕВ.

3-ч фермин кӧдлмшч.